

**1988 nr. 52 18. maí****Lög um eiturefni og hættuleg efni**

**Tóku gildi 1. júlí 1988.** *Breytt með* l. 103/1988 (tóku gildi 30. des. 1988), l. 1/1992 (tóku gildi 27. jan. 1992 nema 13.–17. og 24. gr. sem tóku gildi 1. febr. 1992), l. 51/1993 (tóku gildi 27. maí 1993), l. 93/1995 (tóku gildi 30. júní 1995), l. 82/1998 (tóku gildi 1. okt. 1998), l. 44/1999 (tóku gildi 1. júlí 1999), l. 42/2001 (tóku gildi 13. júní 2001; *EES-samningurinn*: II. viðauki tilskipun 76/768/EBE), l. 68/2002 (tóku gildi 17. maí 2002; *EES-samningurinn*: XX. viðauki reglugerð 2037/2000), l. 164/2002 (tóku gildi 1. jan. 2003), l. 96/2004 (tóku gildi 2. júlí 2004; *EES-samningurinn*: II. viðauki tilskipun 98/8/EB), l. 88/2008 (tóku gildi 1. jan. 2009 nema brbák. VII sem tók gildi 21. júní 2008), l. 92/2009 (tóku gildi 26. ágúst 2009; *EES-samningurinn*: II. og XX. viðauki reglugerð 842/2006), l. 162/2010 (tóku gildi 1. jan. 2011), l. 43/2011 (tóku gildi 13. maí 2011; *EES-samningurinn*: II. viðauki tilskipun 67/548/EBE, 1999/45/EB, reglugerð 1907/2006, 1272/2008), l. 126/2011 (tóku gildi 30. sept. 2011) og l. 131/2011 (tóku gildi 1. jan. 2012).

**I. kafli. Upphafsaðkvæði.**

[*Gildissvið og markmið.*]<sup>1)</sup>

<sup>1)</sup> L. 96/2004, 1. gr.

■ **1. gr.** [Eiturefni er samkvæmt lögum þessum hættulegt efni sem í litlu magni veldur dauða, bráðum eða langvarandi skaða á heilsu við innöndun og inntöku eða í snertingu við húð.

□ Hættulegt efni er efni sem getur valdið dauða, bráðum eða langvarandi skaða á heilsu við innöndun og inntöku eða í snertingu við húð, er eldnærandi, eld- eða sprengifimt eða getur valdið tjóni á umhverfi.]<sup>1)</sup>

□ [Sæfiefni eru efni eða efnablöndur sem ætlað er að eyða hættulegum lífverum, bægi þeim frá eða gera þær skaðlausar. Sæfiefni eru t.d. viðarvörn, nagdýraeitur, skordýraeitur, gróðurhindrandi efni, sóthreinsandi efni og rotvarnarefni.]<sup>2)</sup>

□ [Fegrunar- og snyrtiefni eru efni eða efnablöndur sem ætlaðar eru til notkunar á mannlíkamann, svo sem hörund, hár, neglur, varir, tennur eða slímhúð í munni. Fegrunar- og snyrtiefnum er einkum ætlað að hreinsa, breyta útliti, veita ilm, bæta líkamspéf eða vernda og halda líkamshlutum í góðu ástandi.]<sup>3)</sup>

□ [Flúoreraðar gróðurhúsalofttegundir eru í skilningi þessara laga vetnisflúorkolefni (HFC), perflúorkolefni (PFC) og brennisteinshexaflúoríð (SF<sub>6</sub>).

□ Rekstraraðili er einstaklingur eða lögaðili sem ber ábyrgð á stjórn tæknilegrar virkni þess búnaðar sem lög þessi taka til.

□ Þjónustuaðili er einstaklingur eða lögaðili sem þjónustar þann búnað sem lög þessi taka til.]<sup>4)</sup>

□ [Markmið þessara laga er að eiturefni, hættuleg efni, sæfiefni, fegrunar- og snyrtiefni og flúoreraðar gróðurhúsalofttegundir notist með gát og varúð þannig að hvorki hljótist af tjón á mönnum né dýrum, né að matvæli eða umhverfi mengist af efnunum.]<sup>4)</sup>

<sup>1)</sup> L. 43/2011, 6. gr. <sup>2)</sup> L. 96/2004, 1. gr. <sup>3)</sup> L. 42/2001, 1. gr. <sup>4)</sup> L. 92/2009, 1. gr.

[*Umhverfisstofnun.*]<sup>1)</sup>

<sup>1)</sup> L. 164/2002, 6. gr.

■ **2. gr.** [[Umhverfisstofnun]<sup>1)</sup> skal vera ráðherra til ráðuneytis um framkvæmd laga þessara.

□ ...<sup>2)</sup>

□ [Umhverfisstofnun]<sup>1)</sup> skal veita stjórnvöldum, einstaklingum eða fyrirtækjum upplýsingar um meðferð eiturefna og hættulegra efna svo sem eftir er leitað og kostur er á. [Umhverfisstofnun]<sup>1)</sup> skal enn fremur gera tillögur um viðbrögð við slysum af völdum eiturefna og hættulegra efna eða við vá af þeirra völdum vegna hernaðar eða náttúruhamfara.]<sup>3)</sup>

<sup>1)</sup> L. 164/2002, 6. gr. <sup>2)</sup> L. 43/2011, 7. gr. Skv. 11. gr. s.l. halda reglugerðir settar samkvæmt ákvæðum laganna gildi sínu að svo miklu leyti sem þær brjóta ekki í bága við ákvæði l. 43/2011, sbr. rg. 236/1990, sbr. 348/1990, 664/1997, 766/1997, 459/1998, 460/1998, 500/1998, 639/1998, 77/1999, 150/1999, 548/1999, 754/1999,

613/2000, 921/2000, 380/2001, 197/2002, 579/2002, 442/2004, 978/2005, 995/2006 og 1269/2007. <sup>3)</sup> L. 1/1992, 26. gr.

■ **3. gr.** Ákvæði laga þessara taka ekki til eiturefna og hættulegra efna ef þau eru notuð samkvæmt ákvæðum:

1. laga um aðbúnað, hollustuhætti og öryggi á vinnustöðum, nr. 46 28. maí 1980,

2. lyfjalaga, nr. 108 14. nóvember 1984 (lyf og dýralyf).<sup>1)</sup>

<sup>1)</sup> Nú l. 93/1994.

**II. kafli. Ákvæði varðandi eiturefni.**

*Framleiðsla eiturefna.*

■ **4. gr.** [Eiturefni mega þeir einir framleiða er til þess hafa fengið leyfi Umhverfisstofnunar, enda mæli Vinnueftirlit ríkisins með veitingu slíkra leyfa.]<sup>1)</sup>

□ Blöndun og þynning eiturefna og þökkun í söluhæf ílát og umbúðir, þar með talið umpökkun og umhelling svo og íburður í klæði, skoðast framleiðsla nema öðruvísi sé ákveðið, sbr. 2. mgr. 5. gr.

□ [Ákvarðanir Umhverfisstofnunar er varða veitingu, endurskoðun eða afturköllun leyfis skv. 1. mgr. sæta kærur til úrskurðarnefndar umhverfis- og auðlindamála. Um aðild, kærufrest, málsmeðferð og annað er varðar kærur fer samkvæmt lögum um úrskurðarnefnd umhverfis- og auðlindamála.]<sup>1)</sup>

<sup>1)</sup> L. 131/2011, 23. gr.

*Viðtaka eiturefna.*

■ **5. gr.** Þeir einir, er hér greinir, mega veita viðtöku eiturefnum og kaupa eiturefni:

1. Framleiðendur eiturefna, sbr. 4. gr.

2. Forstöðumenn efnagerða, efnaverksmiðja eða annarra fyrirtækja er tilkynnt hafa Vinnueftirliti ríkisins að við rekstur eða framleiðslu fyrirtækjanna sé þörf tiltekinna eiturefna, enda hafi þeir eða tilteknir starfsmenn þeirra leyfi til þess að nota eiturefni.

3. Lyfjaverslun ríkisins, aðrar lyfjagerðir og lyfjaheildverslanir svo og lyfjabúðir.

4. Verslanir er fengið hafa leyfi ráðherra til þess að selja tiltekin eiturefni önnur en talin eru í næsta tölulíð.

5. Verslanir sem fengið hafa leyfi ráðherra til þess að selja eiturefni og hættuleg efni til nota í landbúnaði og garðyrkju og til útrymningar meindýra.

6. Sjúkrahús og viðurkenndar rannsóknastofur.

7. Kennarar í raungreinum við framhaldsskóla vegna nota við kennslu.

8. Einstaklingar 18 ára eða eldri er framvísa réttum aðilum sérstökum eiturbeiðnum, sbr. ákvæði 6. gr., eða öðrum gildum leyfum til kaupa á eiturefnum, sbr. 7. gr.

□ Fyrirtækjum, sem greind eru í 4. og 5. tölul. að framan og versla með eiturefni, er þó heimilt að fengnu samþykki Vinnueftirlits ríkisins að veita þau sundur, blanda eða þykkja og umpakka eða umhella í ný söluhæf ílát.

*Sala og innflutningur eiturefna.*

■ **6. gr.** Þeir einir mega selja og flytja inn eiturefni er greinir í 1.–5. tölul. 1. mgr. 5. gr. Um fyrirtæki, sem talin eru í 1. og 2. tölul. 1. mgr. 5. gr., gildir þó að þau mega einungis selja eiturefni svo fremi að þau séu hluti af venjulegri framleiðslu þeirra.

□ Þau fyrirtæki, sem talin eru í 1. og 2. tölul. 1. mgr. 5. gr., mega selja önnur eiturefni en þau sem fyrirtækin framleiða ef þau hafa fengið til þess leyfi, sbr. 4. eða 5. tölul. 1. mgr. 5. gr.

□ Setja skal í reglugerð ákvæði um veitingu leyfa handa verslunum þeim er ræðir í 4. og 5. tölul. 1. mgr. 5. gr.

*Kaup einstaklinga á eiturefnum.*

■ **7. gr.** Einstaklingar, sbr. 8. tölul. 1. mgr. 5. gr., mega kaupa eiturefni til eigin nota ef þeir framvísa seljendum eiturefna, sbr. 6. gr., sérstökum eiturbeiðnum eða öðrum gildum leyfum til kaupa á tilteknum eiturefnum.

□ Heilbrigðisfulltrúar sveitarfélaga gefa út eiturbeiðnir að fenginni umsögn [Umhverfisstofnunar].<sup>1)</sup> Aðeins má láta úti einu sinni gegn sömu eiturbeiðni. Eiturbeiðnir gilda lengst í hálf ár frá útgáfudegi.

□ Nú nota iðnaðarmenn eða aðrir einstaklingar tiltekin eiturefni að staðalri við störf sín eða í þágu þeirra fyrirtækja er þeir starfa við, sbr. 2. tölul. 1. mgr. 5. gr. Má þá veita leyfi til kaupa á umræddum efnem er gilda til eins til þriggja ára í senn.

□ Ráðherra setur að fengnum tillögum [Umhverfisstofnunar]<sup>1)</sup> reglugerð<sup>2)</sup> um útgáfu eiturbeiðna og annarra tilsvarendi leyfa, afgreiðslu þeirra og varðveislu, um kaup á eiturefnum til nota í landbúnaði og garðyrkju og til útrýmingar meindýra, til sóthreinsunar og til varnar fúa.

<sup>1)</sup> L. 164/2002, 6. gr. <sup>2)</sup> Rg. 39/1984.

*Útlát eiturefna.*

■ **8. gr.** Eiturefni má aðeins selja eða afhenda þeim sem eru 18 ára eða eldri. Eigi má afhenda eiturefni ef ástæða er til þess að ætla að viðkomandi kynnu að fara sjálfum sér að voða eða gætu unnið öðrum tjón með efnunum sökum geðveiki, neyslu vímugjafa, vanþroska, vanstillingar, fákunnáttu o.s.frv.

□ Heimilt er að selja á frjálsum markaði tiltekin varning er inniheldur eiturefni. Fellur þá niður kvöð um útgáfu eiturbeiðna eða hliðstæðra leyfa, sbr. 7. gr., enda skal þá jafnframt gæta þeirra fyrirmæla um sölu og afhendingu varningsins er sett verða í reglugerð.

■ **9. gr.** . . . <sup>1)</sup>

□ Eiturmerki má ekki nota á flát og umbúðir um önnur efnin en eiturefni, sbr. 1. mgr. 1. gr., nema það sé sérstaklega heimilað í reglugerðum sem settar eru með stoð í þessum lögum.

<sup>1)</sup> L. 43/2011, 7. gr.

*Varðveisla eiturefna.*

■ **10. gr.** Fyrirtæki og einstaklingar, sbr. 5. og 6. gr., skulu hlíta ákvæðum laga um aðbúnað, hollustuhætti og öryggi á vinnustöðum varðandi varðveislu eiturefna og ákvæðum laga um eftirlit með matvællum og öðrum neyslu- og nauðsynjavörum eftir því sem við á. Um Lyfjaverslun ríkisins, aðrar lyfjagerðir og lyfjaheildverslanir svo og lyfjabúðir gilda enn fremur ákvæði laga um lyfjadreifingu.

□ Í verslunum, er leyfi hafa til þess að selja tiltekin eiturefni eða eiturefni til nota í landbúnaði og garðyrkju og til útrýmingar meindýra, skal hlíta fyrirmælum að þessu lútandi er sett verða í reglugerð.

□ Á sjúkrahúsum og viðurkenndum rannsóknastofum skal varðveita eiturefni í umbúðum seljenda eða í öðrum umbúðum jafntryggum. Ef lyfjabúr er á sjúkrahúsi skal forstöðumaður þess hafa eftirlit með varðveislu eiturefna í umsjá Lyfjæftirlits ríkisins. Einstaklingar og kennarar skulu varðveita eiturefni í umbúðum framleiðenda (seljenda).

□ Eiturefni skal jafnan varðveita tryggilega og þannig að þau séu aðskilin frá matvællum og dýrafóðri, einnig frá lyfjum, fegrunar- og snyrtiefnum og þannig að óviðkomandi nái ekki til þeirra.

**III. kafli. Ákvæði varðandi hættuleg efni.***Útlát hættulegra efna.*

■ **11. gr.** . . . <sup>1)</sup>

□ Takmarka má að fengnum tillögum [Umhverfisstofnunar]<sup>2)</sup> sölu og útlát tiltekinna hættulegra efna við lyfjabúðir, lyfjaheildsölu eða aðra sölustaði ef sérstakar aðstæður gilda um notkun efnanna.

□ [Umhverfisstofnun]<sup>2)</sup> getur sett reglur<sup>3)</sup> um stærð sölufláta eða magn tiltekinna hættulegra efna sem selja má í smásölu í matvöruverslunum eða öðrum almennum verslunum.

<sup>1)</sup> L. 43/2011, 7. gr. <sup>2)</sup> L. 164/2002, 6. gr. <sup>3)</sup> Rg. 389/1994.

*Varðveisla hættulegra efna.*

■ **12. gr.** . . . <sup>1)</sup>

□ [[Umhverfisstofnun]<sup>2)</sup> setur, að fengnu álitni samtaka hlutaðeigandi seljenda, reglur um varðveislu hættulegra efna í matvöruverslunum. Sams konar reglur má og setja um varðveislu hættulegra efna í öðrum almennum verslunum.]<sup>3)</sup>

□ [Umhverfisstofnun]<sup>2)</sup> setur . . . <sup>4)</sup> að fengnu álitni samtaka hlutaðeigandi seljenda reglur um varðveislu hættulegra efna í matvöruverslunum. Sams konar reglur má og setja um varðveislu hættulegra efna í öðrum almennum verslunum.

<sup>1)</sup> L. 43/2011, 7. gr. <sup>2)</sup> L. 1/1992, 26. gr. <sup>3)</sup> L. 1/1992, 26. gr. <sup>4)</sup> L. 164/2002, 7. gr.

*Lífræn leysiefni.*

■ **13. gr.** . . . <sup>1)</sup>

<sup>1)</sup> L. 43/2011, 7. gr.

*Hættulegar lofttegundir.*

■ **14. gr.** Heimilt er að fengnum tillögum [Umhverfisstofnunar]<sup>1)</sup> að setja nánari ákvæði um sölu og notkun hættulegra lofttegunda er hafa ekki lækningalegt gildi.<sup>2)</sup> Sama á við um sölu og notkun lofttegunda er hafa lækningalegt gildi ef þær eru ætlaðar til annars en lækninga.

<sup>1)</sup> L. 164/2002, 6. gr. <sup>2)</sup> Rg. 64/1989, sbr. 318/1990.

*Hættuleg efni ætluð til nota í landbúnaði og garðyrkju og til útrýmingar meindýra, til þess að varna fúa eða til sóthreinsunar.*

■ **15. gr.** Hlíta skal um sölu hættulegra efna, sem skráð eru til þessara nota, útlát þeirra og notkun, fyrirmælum er sett verða í reglugerð, sbr. 16. gr.

**IV. kafli. Sameiginleg ákvæði.**

*[Skráning og leyfi til markaðssetningar.]<sup>1)</sup>*

<sup>1)</sup> L. 96/2004, 2. gr.

■ **16. gr.** [Eiturefni og hættuleg efni, hrein og blönduð, má því einungis flytja til landsins, selja eða nota sem plöntulyf, illgresiseyði (örgresisefni), stýriefni eða sæfiefni að þau hafi verið skráð sem slík, annaðhvort með samheiti eða með sérheiti framleiðanda. Umhverfisstofnun veitir leyfi til markaðssetningar sæfiefna. Ákvæði þessi taka einnig til örvera eða hluta lífvera ef þau eru notuð í sama skyni. Ráðherra setur nánari ákvæði um framangreind atriði í reglugerð<sup>1)</sup> að fengnum tillögum Umhverfisstofnunar. Skal þar m.a. kveða á um skráningu efnanna, notkun og bann við notkun þeirra, auk ákvæða um veitingu, endurskoðun og afturköllun leyfis til markaðssetningar.]<sup>2)</sup>

<sup>1)</sup> Rg. 50/1984, sbr. 213/1984, 235/1986 og 461/2001, sbr. einnig rg. 238/1994, og 236/1986. Rg. 137/1987, sbr. 610/1987, 412/1997, 176/1998, 776/1998, 857/1999 og 784/2001. Rg. 176/1998, sbr. 618/2000. <sup>2)</sup> L. 96/2004, 2. gr.

*Ákvæði um matvæli<sup>1)</sup> og aðrar neysluvörur og nauðsynjavörur, fóðurvörur og sáðvörur.*

<sup>1)</sup> Ákvæði 17. gr. voru felld úr gildi að því er tekur til matvæla, með l. 93/1995, 32. gr.

■ **17. gr.** Eiturefni og hættuleg efni má ekki setja í eða blanda saman við matvæli og aðrar neysluvörur eða fóðurvörur nema það sé sérstaklega heimilað í reglugerð samkvæmt lögum þessum, lögum um eftirlit með matvællum og

öðrum neyslu- og nauðsynjavörum eða öðrum lögum. Eiturefni og hættuleg efni má ekki setja á sáðvöru nema efnið eða efnasamsetningin hafi verið skráð til slíkrar notkunar, sbr. 16. gr. Ef sáðkorn hefur verið meðhöndlað með slíkum efnum skal það auðkennt með litun.

□ Nú er talin hætta á að matvæli, aðrar neyslavörur og nauðsynjavörur eða fódurvörur mengist við framleiðslu eða á annan hátt af tilteknum eiturefnum eða hættulegum efnum og þannig að mönnum og dýrum geti orðið að tjóni. Ráðherra getur þá í reglugerð að fengnum tillögum [Umhverfisstofnunar]<sup>1)</sup> kveðið nánar á um hið mesta magn slíkra efna er vera megi í hverri þyngdar- eða lagareiningu.

<sup>1)</sup> L. 164/2002, 6. gr.

■ [17. gr. A. Ráðherra er heimilt að setja í reglugerð<sup>1)</sup> ákvæði um framleiðslu, innflutning, dreifingu, sölu, notkun, innihald, eftirlit og merkingu fegrunar- og snyrtiefna, hvort sem efnin flokkast sem eiturefni eða hættuleg efni eða ekki.]<sup>2)</sup>

<sup>1)</sup> Rg. 748/2003, sbr. 870/2004, 385/2005, 320/2006, 738/2006, 158/2007, 425/2008, 427/2009, 879/2009, 353/2010, 837/2010 og 362/2012. <sup>2)</sup> L. 42/2001, 2. gr.

*Nánari reglur um notkun og bann við notkun eiturefna og hættulegra efna.*

■ 18. gr. Ráðherra setur að fengnum tillögum [Umhverfisstofnunar]<sup>1)</sup> nánari reglur<sup>2)</sup> um notkun og bann við notkun eiturefna og hættulegra efna hvort sem efnin eru notuð hrein, í blöndum eða á annan hátt í samsetningum.

□ Heimilt er enn fremur að binda sölu og notkun varnings, er hefur tiltekin lífræn leysiefni að geyma, mati á eiturhrifum og notagildi varningsins . . . <sup>3)</sup>

<sup>1)</sup> L. 164/2002, 6. gr. <sup>2)</sup> Rg. 137/1987, sbr. 610/1987, 412/1997, 176/1998, 776/1998, 857/1999 og 784/2001 (notkun og bann við notkun tiltekinnna eiturefna o.fl.). Rg. 196/1987 (takmörkun sölu á kveikjaragasi). Rg. 64/1989, sbr. 318/1990 og augl. 520/1991 (ósoneýðandi efni, bann við innflutningi og sölu úðabrusa). Rg. 609/1996 (um meðferð umbúða og umbúðaúrgangs), sbr. 682/1999 og 562/2005. Rg. 946/1999 (um rafhlöður og rafgeyma með tilteknum hættulegum efnum). Rg. 828/2003 (um hollustuhætti og mengunarvarnir á varnarsvæðum). Rg. 697/2004 (um takmörkun tiltekinnna efna í raftækjum), sbr. 545/2006 og 615/2011. Rg. 824/2005 (um takmörkun á notkun skadlegra gróðurhindrandi efna og/eda búnaðar á skip), sbr. 827/2010. Rg. 506/2007 (um takmörkun efna í vélknúnum ökutækjum). Rg. 560/2007 (um fljóttandi eldsneyti). <sup>3)</sup> L. 43/2011, 8. gr.

*Nánari reglur um notkun og bann við notkun krabbameinsvaldandi efna og efnasamsetninga.*

■ 19. gr. [Umhverfisstofnun]<sup>1)</sup> skal fylgjast með öllum nýjungum er lúta að rannsóknnum á eiturefnum og hættulegum efnum sem ætlað er að gætu valdið krabbameini eða öðrum illkynja breytingum í frumum manna eða dýra. Skal [Umhverfisstofnun]<sup>1)</sup> að jafnaði gera tillögur um bann við notkun slíkra efna og efnasamsetninga, en að öðrum kosti gera tillögur að reglum um notkun þeirra til þess að koma í veg fyrir mengun fæðu og fódurs eða umhverfis af völdum þeirra.

□ [Umhverfisstofnun]<sup>1)</sup> gerir tillögur að sérstökum lista yfir efni sem talin eru geta valdið krabbameini eða öðrum illkynja frumubreytingum í mönnum og að fyrirmælum um notkun og bann við notkun efnanna er ráðherra staðfestir og gefur út.

□ Óheimilt er að flytja til landsins eða selja eiturefni eða hættuleg efni sem eru krabbameinsvaldandi í mönnum eða dýrum eða varning sem hefur slík efni að geyma, nema samkvæmt heimild í þessum lögum.

<sup>1)</sup> L. 164/2002, 6. gr.

*Nánari fyrirmæli um ílát o.fl.*

■ 20. gr. . . . <sup>1)</sup>

<sup>1)</sup> L. 43/2011, 7. gr. Skv. 11. gr. s.l. halda reglugerðir settar samkvæmt ákvæðum laganna gildi stnu að svo miklu leyti sem þær brjóta ekki í bága við ákvæði l. 43/2011, sbr. rg. 236/1990, sbr. 348/1990, 664/1997, 766/1997, 459/1998, 460/1998, 500/1998, 639/1998, 77/1999, 150/1999, 548/1999, 754/1999, 613/2000, 921/2000,

380/2001, 197/2002, 579/2002, 442/2004, 978/2005, 995/2006 og 1269/2007. Rg. 155/2000, sbr. 354/2002.

*Flutningur.*

■ 21. gr. [Umhverfisstofnun]<sup>1)</sup> gerir tillögur um búnað og merkingar farartækja á landi, sem flytja eiturefni og hættuleg efni, til viðkomandi ráðuneyta.

□ Um flutning eiturefna og hættulegra efna með skipum, loftförum, svo og í pósti, fer samkvæmt lögum þeim og reglugerðum er við eiga og í gildi eru hverju sinni.

<sup>1)</sup> L. 164/2002, 6. gr.

*Förgun eiturefna og hættulegra efna. Notuð ílát.*

■ 22. gr. Eiturefnum og hættulegum efnum, tónum flöskum og öðrum umbúðum, sem hafa haft slík efni að geyma, skal farga eða hreinsa þannig að mönnum og dýrum stafi ekki hætta af. Að öðrum kosti skal endursenda seljanda eða umboðsmanni hans viðkomandi efni, ílát og umbúðir, luktar og merktar á viðeigandi hátt.

□ Ráðherra setur að fengnum tillögum [Umhverfisstofnunar]<sup>1)</sup> . . . <sup>2)</sup> reglugerð um förgun eiturefna og hættulegra efna.

<sup>1)</sup> L. 164/2002, 6. gr. <sup>2)</sup> L. 164/2002, 8. gr.

*Framkvæmd og eftirlit.*

■ 23. gr. [Yfirstjórn mála er varða eiturefni, hættuleg efni, [sæfiefni]<sup>1)</sup> og fegrunar- og snyrtiefni er í höndum [ráðherra].<sup>2)</sup><sup>3)</sup>

□ [Umhverfisstofnun]<sup>4)</sup> gerir tillögur um framkvæmd laga þessara og hversu eftirliti með eiturefnum og hættulegum efnum skuli nánar háttað, sbr. 2. gr. og næstu málsgrein.

□ Eftirlit með framkvæmd ákvæða laga þessara annast eftirtaldir aðilar:

- [Umhverfisstofnun.]<sup>4)</sup>
- Vinnueftirlit ríkisins.
- Lyfjaeftirlit ríkisins.
- Heilbrigðiseftirlit sveitarfélaga.
- Lögreglustjórar og embættislæknar, hver á sínum stað.
- Aðrir er tilnefndir kunna að verða.

□ Um valdsvið og þvingunarúrræði eftirlitsaðila fer samkvæmt þeim lögum sem þeir starfa eftir.

□ Kostnað við framkvæmd og eftirlit skal greiða úr ríkissjóði, nema önnur lög mæli öðruvísi.

□ [[Umhverfisstofnun]<sup>4)</sup> er heimilt að taka gjald fyrir vinnu við og útgáfu starfsleyfa til handa þeim sem starfa við garðaúðun í atvinnuskyni, starfsleyfa til handa meindýraeyðum og leyfisskírteina fyrir notendur varnarefna og eiturefna, viðurkenningu sóthreinsiefna og áritun innflutningsskjala.

□ [Umhverfisstofnun]<sup>4)</sup> er heimilt að taka gjald fyrir vinnu stofnunarinnar við skráningu, breytingu á skráningu, undanþágu frá skráningu, samhliðaskráningu og endurnýjun á skráningu varnarefna [og sæfiefna].<sup>1)</sup> Í skráningu varnarefna [og sæfiefna]<sup>1)</sup> felst m.a. úttekt sérfræðinga á þörf fyrir notkun viðkomandi efna og á áhættu við notkun þeirra.

□ Þá er [Umhverfisstofnun]<sup>4)</sup> heimilt að krefja umsækjanda, sbr. 6. og 7. mgr., um endurgreiðslu alls kostnaðar sem fellur til vegna sérstakra rannsókna eða úttekta utanaðkomandi sérfræðinga, enda hafi verið haft samráð við umsækjanda um fyrirhugaðar rannsóknir eða úttektir og umsækjanda gefinn kostur á að draga umsókn sína til baka áður en til slíks kostnaðar er stofnað.

□ Ráðherra getur, að fengnum tillögum [Umhverfisstofnunar],<sup>4)</sup> sett gjaldskrá vegna þeirrar starfsemi sem talin er upp í 6., 7. og 8. mgr. Upphæð gjalds skal taka mið af kostnaði við þjónustu og framkvæmd einstakra verkefna. Gjöld má innheimta með fjárnámi.]<sup>3)</sup>

□ Fulltrúar framangreindra stofnana ...<sup>5)</sup> og embættismanna, svo og aðrir er tilnefndir kunna að verða, eiga rétt á að skoða verslanir, verksmiðjur og vinnustaði þar sem seld eru eða umpökkuð, framleidd, varðveitt eða notuð eiturefni og hættuleg efni eða framleiddur varningur sem hefur að geyma slík efni í því formi og magni að mönnum og dýrum getur stafað hættu af. Þeim er einnig heimilt að rjúfa umbúðir og taka úr þeim sýnishorn til nánari athugunar og rannsóknar. Eigandi sýnishornsins getur krafist kvittunar úr hendi þess er sýnishorn tekur. Á kvittun skal greina magn og tegund sýnishornsins. Handhafi kvittunarinnar á síðar gegn framvísun hennar rétt á endurgreiðslu úr hendi innflytjanda eða framleiðanda.

□ Aðilar þeir, er um ræðir í 3. mgr., geta krafist þess að framleiðandi eða innflytjandi gefi yfirlýsingu samkvæmt bestu vitund um innihald eiturefna og hættulegra efna í tilteknum varningi svo sem fegrunar- og snyrtiefnum, matvælum og fóðurvöru. Innflytjandi eða framleiðandi getur krafist þess að með hana sé farið sem trúnaðarmál.

<sup>1)</sup> L. 96/2004, 3. gr. <sup>2)</sup> L. 126/2011, 128. gr. <sup>3)</sup> L. 42/2001, 3. gr. <sup>4)</sup> L. 164/2002, 6. gr. <sup>5)</sup> L. 1/1992, 26. gr.

*Undanþágur og röðun á lista til bráðabirgða.*

■ **24. gr.** Ráðherra getur að fenginni umsögn [Umhverfisstofnunar]<sup>1)</sup> heimilað að undanþiggja megi eiturefni og hættuleg efni eða varning, sem hefur slík efni að geyma, að nokkru eða öllu leyti ákvæðum þessara laga. Undanþágur má þó einungis veita svo fremi að fullnægt sé skilyrðum sem sett kunna að verða hverju sinni eða greind eru í reglugerðum sem settar eru samkvæmt heimild í öðrum lögum.

□ [[Umhverfisstofnun]<sup>1)</sup> er heimilt, ef skjótra aðgerða er þörf, að setja á lista tiltekin efni og efnasamsetningar og kveða á um notkun eða bann við notkun þeirra í allt að því eitt ár.<sup>2)</sup> Skal ráðherra staðfesta ákvörðun þessa með reglugerð innan árs. Að öðrum kosti fellur ákvörðun [Umhverfisstofnunar]<sup>1)</sup> úr gildi.

<sup>1)</sup> L. 164/2002, 6. gr. <sup>2)</sup> L. 1/1992, 26. gr.

*Refsingar.*

■ **25. gr.** ...<sup>1)</sup>

<sup>1)</sup> L. 88/2008, 233. gr.

■ **26. gr.** Fyrir brot gegn lögum þessum eða reglugerðum settum samkvæmt þeim skal refsa með sektum nema þyngri refsing liggja við samkvæmt öðrum lögum. Nú er brot ítrekað eða stórfellt og getur refsing þá orðið ...<sup>1)</sup> fangelsi allt að tveimur árum. Tilraun eða hlutdeild í brotum samkvæmt lögum þessum eru refsiverð eftir því sem segir í III. kafla almennra hegningarlaga.

□ Eiturefni og hættuleg efni, sem inn eru flutt ólöglega eða seld eða framleidd eru ólöglega innan lands, má gera upp-tæk með dómi og einnig ágóða af slíkri ólöglegri starfsemi. Andvirði hins upptæka rennur í ríkissjóð.

<sup>1)</sup> L. 82/1998, 192. gr.

[**V. kafli. Ákvæði um flúoreraðar gróðurhúsalofttegundir.**]<sup>1)</sup>

<sup>1)</sup> L. 92/2009, 2. gr.

■ **[27. gr. Geymsla flúoreraðra gróðurhúsalofttegunda.**

□ Rekstraraðilum staðbundinna kælikerfa, loftkælinga, varmadælukerfa og staðbundinna slökkvikerfa sem innihalda flúoreraðar gróðurhúsalofttegundir ber að hindra leka þessara lofttegunda og stöðva slíkan leka komi hann til, með öllum þeim tæknilegu ráðstöfunum sem eru mögulegar. Enn fremur ber rekstraraðilum að sjá til þess að haldin sé skrá yfir flúor-

eraðar gróðurhúsalofttegundir og að lekaleit sé framkvæmd af vottuðum aðilum.]<sup>1)</sup>

<sup>1)</sup> L. 92/2009, 2. gr.

■ **[28. gr. Endurnýting.**

□ Rekstraraðilar staðbundins búnaðar sem inniheldur flúoreraðar gróðurhúsalofttegundir, og nánar er tiltekinn í reglugerð, bera ábyrgð á endurnýtingu flúoreraðra gróðurhúsalofttegunda til að tryggja endurvinnslu, endurheimt eða eyðingu þeirra. Endurnýting skal framkvæmd af vottuðum aðilum.]<sup>1)</sup>

<sup>1)</sup> L. 92/2009, 2. gr.

■ **[29. gr. Menntun og vottun.**

□ Starfsmenn sem annast uppsetningu, viðhald, áfyllingu, lekaleit og aðra þjónustu vegna staðbundinna kælikerfa, loftkælinga, varmadælukerfa, spennu með hárrí rafspennu, loftkælinga í vélknúnum ökutækjum, leysiefna og staðbundinna slökkvikerfa sem innihalda flúoreraðar gróðurhúsalofttegundir skulu hafa vottun. Til að hljóta slíka vottun skulu þeir hafa lokið námi með fullnægjandi hætti samkvæmt reglugerð sem ráðherra setur.

□ Rekstrar- og þjónustuaðilar skulu hafa vottun um að þeir uppfylli kröfur reglugerða sem ráðherra setur um húsnæði, öryggi og lágmarkstækjabúnað vegna starfsemi sinnar. Enn fremur skulu rekstrar- og þjónustuaðilar hafa vottun um að starfsmenn þeirra hafi hlotið vottun skv. 1. mgr.

□ Vottun samkvæmt lögum þessum er framkvæmd af fag-giltri skoðunarstofu samkvæmt lögum nr. 24/2006, um fag-gildingu o.fl., og gildir í fjögur ár. Hafi viðkomandi sannan-lega verið að vinna við umrædd kerfi framlengist vottunin um önnur fjögur ár.]<sup>1)</sup>

<sup>1)</sup> L. 92/2009, 2. gr.

■ **[30. gr. Merking.**

□ Óheimilt er að flytja, setja á markað eða afhenda vöru og búnað sem inniheldur flúoreraðar gróðurhúsalofttegundir nema á vörinni og búnaðinum sé merkiskilti með viður-kendum iðnaðarheitum, innihaldslýsingu og varnaðarorð-um.]<sup>1)</sup>

<sup>1)</sup> L. 92/2009, 2. gr.

■ **[31. gr. Reglugerðir um flúoreraðar gróðurhúsalofttegundir.**

□ Ráðherra er heimilt, að fengnum tillögum Umhverfisstofnunar, að setja reglugerð<sup>1)</sup> vegna flúoreraðra lofttegunda um eftirtalin atriði:

- a. nánari ákvæði um framkvæmd lekaleitar, áskilnað um lekaleitarkerfi og skráningu flúoreraðra gróðurhúsalofttegunda,
- b. framkvæmd endurnýtingar,
- c. framkvæmd vottunar,
- d. framkvæmd og mat menntunar,
- e. húsnæði, öryggi og lágmarkstækjabúnað starfsemi sem tengist notkun og meðferð efnanna,
- f. nánari ákvæði um merkingar vöru og búnaðar,
- g. ákvæði um notkun og bann við notkun flúoreraðra gróðurhúsalofttegunda.]<sup>2)</sup>

<sup>1)</sup> Rg. 834/2010, sbr. 269/2012. <sup>2)</sup> L. 92/2009, 2. gr.

[**VI. kafli.**]<sup>1)</sup> **Önnur ákvæði.**

<sup>1)</sup> L. 92/2009, 2. gr.

*Samstarfsnefnd.*

■ **[32. gr.]<sup>1)</sup>** [Ráðherra skipar samstarfsnefnd þeirra aðila sem tilgreindir eru í a–c-liðum 3. mgr. 23. gr.]<sup>2)</sup> Aðilar til-nefna hver einn fulltrúa í nefndina. Ráðherra skipar fimmta manninn í nefndina án tilnefningar. Er hann jafnframt for-maður nefndarinnar.

□ Verkefni nefndarinnar er að fjalla um verkaskiptingu milli eftirlitsaðila í takmarkatilfellum og samræmingu aðgerða. Formaður kallar saman fund í nefndinni þegar tilefni er til. Fulltrúar geta krafist að fundir verði haldnir í nefndinni ef tilefni er til að þeirra dómi.

□ Ráðherra setur í reglugerð nánari ákvæði um starfssvið og starfsemi nefndarinnar.

<sup>1)</sup> L. 92/2009, 2. gr. <sup>2)</sup> L. 1/1992, 26. gr.

**Ráðgjöf [Umhverfisstofnunar].<sup>1)</sup>**

<sup>1)</sup> L. 164/2002, 6. gr.

■ **[33. gr.]<sup>1)</sup>** [Umhverfisstofnun]<sup>2)</sup> skal eftir nánara samkomulagi veita lyfjanefnd eiturefnafræðilega ráðgjöf ef þörf gerist.

□ ... <sup>3)</sup>

<sup>1)</sup> L. 92/2009, 2. gr. <sup>2)</sup> L. 164/2002, 6. gr. <sup>3)</sup> L. 1/1992, 26. gr.

**[VII. kafli.]<sup>1)</sup> Niðurlagsákvæði.**

<sup>1)</sup> L. 92/2009, 2. gr.

■ **[34. gr.]<sup>1)</sup>** Nánari ákvæði um framkvæmd laga þessara má setja í reglugerð<sup>2)</sup> er ráðherra setur að fengnum tillögum [Umhverfisstofnunar].<sup>3)</sup>

□ [Þrátt fyrir ákvæði 23. gr. laga þessara er [ráðherra]<sup>4)</sup> heimilt, að fenginni umsögn [Umhverfisstofnunar]<sup>3)</sup> og í samráði við [ráðherra er fer með heilbrigðismál],<sup>4)</sup> að setja reglugerð<sup>5)</sup> um innflutning, sölu, notkun, örugga meðhöndlun og förgun eiturefna og hættulegra efna sem geta haft skaðleg áhrif á umhverfið.<sup>6)</sup>

□ [Ráðherra getur í reglugerð að fengnum tillögum [Umhverfisstofnunar]<sup>3)</sup> bannað innflutning og framleiðslu eiturefna og hættulegra efna sem haft geta skaðleg áhrif á umhverfið. Ráðherra getur heimilað [Umhverfisstofnun]<sup>3)</sup> að veita tímabundnar undanþágur frá slíku banni í því skyni að draga smám saman úr innflutningi og framleiðslu efnisins og kveðið þar á um hvaða skilyrðum slík undanþága skuli háð.

□ Við veitingu innflutnings- og framleiðsluleyfa skv. 3. mgr. er heimilt að taka mið af markaðshlutdeild umsækjanda undanfarin fimm ár. Þegar stefnt er að algeru banni við innflutningi og framleiðslu efnis er heimilt að hafna umsókn aðila sem hefur ekki flutt inn eða framleitt efnið áður.]<sup>7)</sup>

<sup>1)</sup> L. 92/2009, 2. gr. <sup>2)</sup> Rg. 242/1974 (varnir gegn mengun matvæla af völdum blýs o.fl.). Rg. 238/1986 (eftirlit með framkvæmd laganna). Rg. 149/1989 (um meindýraeyða). Rg. 236/1990 (um flokkun, merkingu og meðferð eiturefna, hættulegra efna og vörutegunda sem innihalda slík efni), sbr. 348/1990, 664/1997, 459/1998, 460/1998, 639/1998, 77/1999, 150/1999, 548/1999, 754/1999, 613/2000, 921/2000, 380/2001, 197/2002, 579/2002, 442/2004, 978/2005, 995/2006 og 1269/2007. Rg. 609/1996 (um meðferð umbúða og umbúðairgangs), sbr. 682/1999 og 562/2005. Rg. 785/1999 (um starfsleyfi fyrir atvinnurekstur sem getur haft í för með sér mengun), sbr. 849/2000. Rg. 786/1999 (um mengunarvarmaeftirlit), sbr. 850/2000. <sup>3)</sup> L. 164/2002, 6. gr. <sup>4)</sup> L. 126/2011, 128. gr. <sup>5)</sup> Rg. 533/1993, sbr. 384/1997. Rg. 946/1999 (um rafhlöður og rafgeyma með tilteknum hættulegum efnum). Rg. 255/2002 (um takmörkun á útstreymi rokgjarnra lífrænna efna), sbr. 1024/2005. Rg. 586/2002 (um efni sem eyða ósonlaginu), sbr. 659/2002, 586/2005 og 139/2006. Rg. 1083/2004 (um gildistöku EES-reglugerða um inn- og útflytning tiltekinnna hættulegra efna). Rg. 1101/2004 (um markaðssetningu sæfiefna), sbr. 243/2007, 150/2008, 520/2008, 1234/2008, 15/2009, 1030/2009, 109/2010, 348/2010, 830/2010, 176/2011,

454/2011, 939/2011 og 364/2012. Rg. 1025/2005 (um rokgjörn lífræn efnasambönd í málningu, lakki og efnum til lakkviðgerða ökutækja). Rg. 560/2007 (um fljótandi eldsneyti). <sup>6)</sup> L. 51/1993, 1. gr. <sup>7)</sup> L. 68/2002, 1. gr.

**Gildistaka.**

■ **[35. gr.]<sup>1)</sup>** Með lögum þessum, sem taka gildi 1. júlí 1988, falla úr gildi lög ...

□ ...

<sup>1)</sup> L. 92/2009, 2. gr.

**Ákvæði til bráðabirgða.**

■ **I.** Ákvæði 17. gr. skulu haldast uns sett hafa verið í lög fyllri ákvæði um notkun eiturefna og hættulegra efna í matvæli og mengun matvæla af völdum slíkra efna.

□ ...

■ **II.** Heimilt er að gefa út bráðabirgðavottun skv. 29. gr. Slík bráðabirgðavottun gildir ekki lengur en til 4. júlí 2011. [Ráðherra]<sup>1)</sup> gefur út reglugerð um skilyrði bráðabirgðavottunar.

□ Heimilt er að meta aðra menntun sem umsækjandi hefur sem jafngildi náms skv. 29. gr. Skal slíkt mat fara fram fyrir 4. júlí 2011.]<sup>2)</sup>

<sup>1)</sup> L. 126/2011, 128. gr. <sup>2)</sup> L. 92/2009, 3. gr.

■ **III.** Fram til 1. júní 2015 skal eftirfarandi gilda um flokkun efna og efnablandna og merkingu og umbúðir efnablandna:

a. Framleiðandi, innflytjandi eða umboðsaðili eiturefna og hættulegra efna auk efnavara eða efnablandna sem innihalda slík efni skal afla upplýsinga um áhrif þeirra. Á grundvelli þeirra upplýsinga skal hann síðan til 1. júní 2015 tilgreina flokkun og merkja viðkomandi efni, efnablöndu og vöru samkvæmt nánari fyrirmælum í reglugerð sem ráðherra setur að fengnum tillögum Umhverfisstofnunar.

b. Efnablöndur skal láta úti og selja í sterkum og velluktum ílátum. Ílátin skulu vera þannig útlits eða svo greinilega auðkennd að ekki verði villst á þeim og ílátum sem eru notuð undir lyf, matvæli og aðrar neysluvörur, fóðurvörur, fegrunar- eða snyrtiefni eða önnur efni. Ílátin skulu vera greinilega merkt. Á ílátum skal geta innihalds og á ílátum og ystu umbúðum um eiturefni og hættuleg efni skulu vera viðeigandi hættumerki. Á ílátunum skulu enn fremur vera varnaðarorð á íslensku. Skulu merkingar vera hliðstæðar því sem tíðkast í nálægum löndum, svo sem kostur er.

c. Efnablöndur skal varðveita í umbúðum seljenda eða öðrum umbúðum jafntryggjum.

d. Heimilt er að fengnum tillögum Umhverfisstofnunar að kveða á um mat á eiturhrifum og notagildi varnings er hefur tiltekin lífræn leysiefni að geyma og flokkast sem hættuleg efni. Skal þá hlíta nánari ákvæðum um sölu og notkun varningsins eða banni við notkun hans í samræmi við reglugerðir um notkun og bann við notkun eiturefna og hættulegra efna, sbr. 18. gr.]<sup>1)</sup>

<sup>1)</sup> L. 43/2011, 9. gr.